

聖宋名賢五百家播芳大全文粹卷第五十

疊幅

憲使

上提刑小簡

晁子西

伏省旌節按行巡屬當此盛夏敢問跋涉不至勞乎恭惟褰帷問俗神明嘉相風伯獻涼不知煩暑台候動止万福某敬遣一介以候車塵

某聞諸部內之民思仰盛德朝夕願見不啻當暑而思濯清風忽聞使輶近止上下延頸以望不勝喁喁

此月正是土潤溽暑之時居爽塏者尤病煩熱伏聞轡車犯此炎天慮有淹敷蓋仁人之用心闔境歎息不知以報惟冀戴星而行日出而舍以避道暍不勝拳拳之請

公迂踈不勝一郡之寄而復視事日淺州綱頽壞多矣遽承節下按臨為之悸恐更望去日慈有以教其未達而寬其不逮幸甚

上憲使小簡

叙慶如右牘獻歲發春迹日寢與何似共想茂對佳辰天相清
德福祿來臻△蒙仁有素得道吏議未期△參省願言保練粹和
亟還禁從用快朝僉頌禱之勤伏紙眷二
不承台誨忽見新春瞻溯光輝日益稍悵比借具記計塵几格恩
瀆之罪未賜譴△引領東望不勝感荷

伏念門生故吏所以事貴事賢之禮載於筆牘乃分之宜鉅公要
人未聞与之往返講好若僚友然也過蒙謙尊畧去畦畛誨△
開諭周旋跪讀感慚曷已尚稽面謝无任歸依

小往大來君子道長仰惟吉履綽有休嘉△官冗曹阻陪賀客千
百善頌拙喻毫楮

春光布澤明天子擢進髦又時也時望之偉首當遠東徑踐華
貫匪朝伊夕以其彙征門下士尤有望焉區二此情切為之喜

江賊就擒幾无唯類威令素行群下用命其效政應如此繼自茲
善良得所怙恃而庸懦亦自免官謗顧喜且幸可勝道哉感刻

上提刑小簡

林 豈塵

詞候寢筵良敬遵彝式具列首牘比辰春事融悅化日舒遲不審
台用何似切惟澄清豐暇神贊人詠冲襟泰定戩穀日隆尚願
仰躰宸睠茵鼎△護倚需賜環進陟鈞軸下情真禱激初之至
△夙望△符自惟卑昧无由進侍光躔朝夕勤景仰茲以試
邑獲隸部封遂託輝映戢守所拘尚阻△參觀遠企焚煌精爽飛越
恭以△官雄名蓋代俊德高古雖為禁路羽儀南宮眉目文章
事業未極施用上方以外臺為重皇華之遣政藉諏訪而埋輪
攬轡姑借威△言行需走節趣覲清拱遂膺柄用以福寰海
△羞抗鹿△容掌徭山邑初至承前未知深淺然薄書米鹽不
憚煩碎百里休戚首當訪問至於奉遵科教班揚明令敢不期
黽勉以承德意猶懼駑蹇未逮尚賴寬假轡策庶幾駘馳竭
力不至顛擠以速咎矣密控慈明敢祈宥△

△竿牘效知深虞簡率上貽嚴譴晚季寡聞初不敢揚文露

志輒以短啓略叙卑僚仰瀆高明戰慄俟罪敢幾台慈特賜
省覽

公十六年太文叢堽晚切一第今一紀矣茲以試宰山澗未免
墻面之責所幸事大君子敬受警悔庶幾讀書鳴絃不爲俗
吏之歸尚祈清鑒特与珍念

上提刑小簡

邵公濟

比日秋清共惟弭節之初德威所臨百城震聳公侯起居万福
公待罪敝邑无從掃舍人之門上參典謁益異爲国以道自重
公之結上眷与上之遇公者大夫士共歎千載一時之事不知其
有所自也公獨知之益以公高奉遠引不少留翰墨深嚴之地
悵然耳巴渝舊所治亦舊所隱使華重臨人士榮之頗有暇日追
尋昔遊見於文字否何當往繼後車賓客之塵臨書重增馳向
龍茶松煤佳品獨恨宝丹妙香新勝不同下拜也此外不敢望公
如陸生以所賜黄金分故人耳一笑皇極書數士之言未易卜觀

物二篇先君子爲之傳并褒德下惑二書同致凡下尚先君子之
意也悲愴何言向伯壽所訪亦此書耳公苦顛眩極亡聊作記草
草思所以廣公意者未及万一

倉使

上提舉小簡 賀生日

北律將周嚴冰在候共惟廉畫優間天神似相台候與居万福
公代置偏城仰切懷復未絲參侍謹勒手誠申候典記

裁問彛儀恪具前楮比辰不審公履復奚若欽想澄按公明百靈
潛衛穰二之福萃集駢臻更祈精調鼎祗前席峻除式符中外
之望

臘月逾中歲功將就天於此時誕毓人傑神湛秋水膏瑩皓玉卓
然爲民望時宗寶元精之所生華岳之所誕宜其叶應期運茂建
勳庸祿位之崇壽祺之永固自有穹壘密祐非假區二之祝也
公官圭璋而質梁棟標奇雅性內融英華外發故能結知黃屋

存歷要途暫屈外臺益揚德文旣誕辰之已屆宜寵命之惟新召
寘屆堂當在朝夕于情若此非敢私

仰惟孤矢令辰有識交慶列城官吏士民孰不以八千之春秋祝
延遐弄想夫袖戔獻竿袂屬有摩人以郡事攸拘阻趨賓庶輒
具短啓并星香經目專人貢真良足庭以伸傾頌之誠伏覲仁明俯
垂照察

某切祿都梁兩見凝臘雖谿徭之境綏靖惟艱而仰賴庇輝粗
加黽勉幸逃吏責切慙厚德包今渾益安於愚拙實終始全庇之
賜感戴瞻依伏楮弥甚

上提鹽小簡

叙問具如右幅庚伏謹時共惟視事以來燕及列城神明相佑百
順來集公襄晚冒昧方此承乏未由叩謁謹上狀叙奉二之誠率
畧幸察

已酉之秋与左右南北異向比訪動靜於羣章謂將自此取道之
官庶幾一見延佇之久乃尔差池下情豈勝瞻悵曷有氣方熾敢
冀調護與居茂對寵休以符頌禱

比承消辰已諧交印獨以阻闊无從預賀履之末比望馳情但徒
燕雀之抃

武康令莊修職公妻之姪也廉謹公勤在後生輩流中實不易得
欲望端叔察其治行以京狀薦之如何使司歲額沛然又有前
使者文字可以補發惟早賜收錄則幸也恃有一日之雅輒冒言
之伏紙愧恐

上提李小簡

賀文

冬氣正中朔風凝凜共惟總鎮雄藩澄晝優游天人參介台候起
居万福公備員于此仰記云麻尚稽啓拜謹具啓承候記史
申詞菲誠祗載右楮不審还辰公履復奚似鈎惟豐財有道察文平
至明密有神靈來相純祉陽剛初復氣令弥寒敢祈上躰宸眷加
護寢養以副于人之

共惟公官儒猷飾吏忠旣光朝蚤歷清華備揚声實暫出司
於臺計誠未究於淵謨且因剛長之辰亟奉温明之詔峻躋禁從
俯協師言公仰席息輝尤勤願望

亞歲屆期一元肇止即群情有悅方彙潛身共惟碩德對時誕延
殊祉椿萐鶴弄仰同社稷之休人以賤守拘縻无由趨厠稱觴
之列輒修短啓以代慶儀傾祝之誠筆端奚旣

某碌三云竒徒勞小郡實賴公仁寬假苟追曠尤雖感懷德詎
罔間夙宵然不敢頻貢尺書以溷聽茲因令序輒布區區仰冀
高明特加矜察

與提奉小簡

孫仲益

風橋碎去忽二又見歲窮雖係心門下而不敢馳書問安否屬聞
造境方叙區區欣頌之私又爲左右所先高詞見寵開讀竦然殆
无以爲容也

自承拜即少駐一時賓從皆有登龍之喜顧以衰老不獲躬掃門
之役恃公寬貸必諒此意而於鈞廢禮不自逞也

歸田四年屏伏村舍遇寒暑之變无以逃比從金屋築三間以寄
衰朽而百役如毛心力俱尽但悵然作甕中之想亦發公一大笑也
太守

上汪內翰小簡

韓子蒼

即日不審風霜偃薄起居食飲何如伏惟躬有盛德神明扶持旌
旂所次皆膺百福謹勒手記候問行李万分

伏承肅膺詔命改刺臨川臨川雖褊地連鄱陽此与前輩畫異錦之
禁亦何以異且謝康樂顏平原之風流未遠也非文章守尚孰繼
之然此門承旨今无復人矣二府亦有虛位恐復由宣召入轉缺
鈞此天下之公言伏冀爲國加旌寢興不勝區區之願

公從文字者得執事之文章手抄口誦目眩心驚如是二十年矣每
逢士大夫親承指教及獲奉杖屨者輒自愧恨不謂老境得与州
民瞻望顏色凡二十年企慕弗獲者一朝慰滿其意人之幸會乃

有如此欽行使麾頃刻以奠

公受才无它世間一閑物耳入仕既晚又常齟齬在官之日淺投閑之日多已分委棄為農夫矣特以恋嫖廩粟故且垂紳搢笏強顏於士大夫之列頃值紛紜伏藏岩谷流離困頓所欠一死耳亦然餘生誰復存省乃今天幸得庇餘光喜極言踈伏幸加察

上太守小簡

林 山 豈 塵 土

詞候獲養暇敬遵彝儀具列首牘比辰歲律崢嶸冰霜凝厲諒惟鈴閣優游神聽民悅冲襟泰定戩穀日隆尚願仰躡眷眷苗鼎精護倚需而召環進陟鈞軸公下情真禱激切之至公久違公軌景慕之誠匪曠朝夕春中輒負敷牘以干記曹政人僭濫自貶嚴譴豈圖謙撝略去寺夷貶賜教飭懷慚聚感何以六喻區區守窮不敢嗣起居之間以取瀆尊之罪尚冀慈明洞達特賜闊略行遂瞻拜台躔下情豈勝欣抃公官以良二千石分寄共理流惠舒化斯道之行當先一州而後天下乃公節之來亟躋柄任中外薦紳所期於文章事業者此耳

虞鮑雖有故事而莆陽郡壁記去有云公自我州郡始公將与邑人見鳳同鳴以賀然後以得賢為朝廷天下賀

上太守小簡

林 山 豈 塵 土

詞候籤師敬遵彝式具載右牘迹辰不審鈞履何侶即日春物融怡和氣宣暢共惟天錫純嘏神介景福尚願鳴寢密護具鼎鍊精調仰承旒冕眷倚之重俯慰蕃紱祝頌之誠

共惟公官道得正傳天降大任布衣而置上衮畫錦以歸故鄉暫輟經綸姑頌藩翰離聖意欲均其勞逸然朝廷有係乎重輕佇膺綸綍寵還機軸益攄遠業光贊中興公當續丞民於高之雅以歌頌勲德之万一

遠瞻岩石仰跂台躔切惟起館開閣招延賢士禮貌若在相位公守縣所拘未繇瞻拜旂幢以俟進退下情傾慕无任激切之至

上太守小簡

張 安 國

仲春之月即日共惟偃藩之暇豈弟宜民神之聽之台候動止方
福公謹具狀申問記史伏惟財察

起居常儀布在閭牘即乞上律天時俯遵月令浩養冲粹茂迎
純嘏以慰士民千里之志

切以公官蚤歷華貫為海內名士踐揚中外勲閎其盛方面之寄
畀付重矣上方鼎新治矩尊用耆賢文仰如執事德業地望亟以入
陪帷幄贊襄國論飛詔趣歸可拱而俟也

奔走執事盛名之下舊矣閑散之跡留落湖海曾未獲接武于門
仍備賓客之後應主惟是慕用名誼拳拳於此不敢自弃也惟執
事尚教誨收憐之歷陽地偏訟簡溪山之勝魚稻之饒為田昔西
州佳處中朝名卿才大夫往三厭直承明重外之寄以清談坐嘯
臨治之中和宣布發為聲詩播之樂府為世美談自頃倣援于
茲二紀而蕪城未其葺曠土未全耕蓋因循之治亦有可恨者惟
執事器識精深才猷通濟開藩未經時綽有奇效適此弊廩虛
竭官治紛拏之餘曾无一毫之斂橫及閭里為清靜之化民皆樂
之得賢之效其速如此幸甚

茲者執事布政之初修桑梓必恭之禮於祭戰之下偶自前月
為浙右之行比方還自四明息肩材落而來蹇之餘驚魂恍恍
病骨尪瘠未即造前少須安妥謹卜詹侍仰惟台慈俯賜矜念

與太守小簡

張安國

中冬之月共惟開府之初神相吉德台候万福疇昔欽鄉盛名又
託年家之契願見久矣昨者旌麾來朝才幸一接有懷未及即日
別去悵仰何窮東望軍牙尤切卷二

四明今為輔郡選用非輕執事以天文之秀茂膺寄託上意隆矣
政成來報亟當召還延佇延佇

頃寓居鄞郭餘十年王母馮夫人歿葬西山皇妣孫夫人以婦從
姑而世父待制公季父蕭田丞公以子從母皆葬其下故家視四
明猶鄉里執事以慈惠之師有來作牧布宣德意使田野按堵民

物康阜則死者有知抑將滲漉膏澤安於地下惟公念之
蒙貺兩歲禮文過厚非所宜得蒙愧不能已屬方奉陪郊禋浹日
鮮暇未皇作荅尚當續致

歐公書豈惟翰墨之精而醇嚴義正千載之下見者興起公何足
以辱公此賜也哉而又先正所藏印色尤新輟公秘笈尤所懷感

上太守小簡

元具司令寒氣弥嚴共惟卧護優閒明靈叶衛公候燕與万福公
鄙陋微蹤日依覆庇尚稽趨拜墀無謹勒柔牘冒塵焚席

修詞茵鼎之誠僭具右楮即辰未審台履復復何如欽惟政平民詠
美化益新密有神天來介繁祉霜飈愈勁凝凜應時敢祈茂躋
眷隆厚加頤衛別雁身拜下副士夫之望

共惟公官以忠誠結主知以豈弟牧民俗事親純孝接下人和其
言行猷為文萃比日過人遠甚是以下車數月績美言遠揚佇聆明詔
入贊岩廊以展經綸之業屬邑下士祈願尤深

公疵賤小官比因走塵蒙台皆獲侍軌誨深尉傾企之踪伏共承寬
仁厚賜寵待又頒特遺之隆誠非屬吏所宜當者公感服恩憐夙
夜在念尺牘寸管難究謝誠

公遠去之久倏經旬浹瞻依慕恋之情无日少替方圖齋沐以伸
記府之問迺辱公慈先損珍翰仰詎容愛之宏既感且愧不敏之
咎更丐原恕

公伏領台戒以朝旨搜訪晉唐墨跡及善本畫且藉俯委尋微廣
搜邑境公欽稟諄誨已徧託士人多方尋訪實不敢徒為虛報
佇願得之別具申覆伏乞煥察

公寒薄迂愚苟祿代置愧无毫末之補每荷盛德包荒獲免汰
斥獨恨有止宰司使冗僚趨事之日淺耳然願入不以實斯它日
則承恩佩德尤未晚也依懇之衷更冀矜照

台閣室眷伏惟中表俱擁殊禧

支邑別有驅委乞賜台旨誓圖報效之方

上太守小簡

蕤賓紀節氣候梅蒸共惟偃藩多暇明神攸介台候興歎万福
人愚鄙具負益蒙德蔭未獲瞻望美日墀謹動手啟上干典記
仰調獲食在之儀州載右牘迹日不審公况何似欽想化深恩洽天
祐民懷戩穀之來日加繁衍當洽蘭角黍之時炎敵漸熾敢豈
勉承眷渥厚衛鼎茵亟登近密下尉卑悰之願

公官以周召申甫之才行龔龔黃召杜之政德風惠澤徧浹黎氓最
課已書宸知愈厚佇觀召還廊廟熙載奮庸以康濟四方蕃宣之
寄非久淹也

自故臘拜造台光忽見中夏雖沐歸慕仰之心靡日不在屏思而
恪遵教條粗修微職恨无可假以造府庭瞻望旌戟邈若雲漢
伏楮凝恋神爽飛越

公踈邈几下雖荷台仁包文全不加鄙弃而每霄壤分殊莫敢頻
貢柔訥以瀆威重然間有申懇列之狀未嘗不蒙矜照俯從以
是知大人君子寬宏逮下察其誠而略其禮感悚之私交積方寸
毫楮縷、曷罄愚衷

上太守小簡

賀進秩

薰風謹候炎氣浸隆伏惟卧鎮餘間天相人詠台候起居万福
公竊食无補仰荷悁悒尚稽瞻拜履為謹具片牘申詞記府

申候典籤恪載前幅未審迹辰德候復奚若緬惟政治弥新慶
休駢集畏景日加敢祝仰懷躰貌妙葆粹真前即環召式副士鄉
之論

公官蘊德業久大之資當運祚隆因之且斬綬外鎮綽著休聲
進陟樞機詔當拍日攀附鱗翼預切卑情

茲者恭聆光奉煥息峻躋高秩見聞所暨鼓舞惟均公以賤事奔
走未獲趨慶台屏謹裁短啓實真在別絨以翰雀躍之誠仰乞深仁
俯垂省察

去遠儀宇之夕日文見鄙吝之前恨未克走侍爇席徒勤山仰比

嘗冒負愚訥審已塵玷且無下情不勝榮幸區、依戀之私非言可既

某器劣識卑不通世務自承乏下邑日虞曠斥仰蒙公官愍其孤貧而恕其不逮周旋覆露遂獲安職年餘可期善替公闔族銘佩厚息罔知紀極更冀始終憐念禱永承於鴻造至禱至願

上太守小簡

天宇明爽伏惟畫諾之暇荷愛神勞台候起居万福公又託雲庇未期參侍仰乞上躰眷懷倍保嚴重謹具啟參承

上問以寢已布前記不審比來台躰何似仰惟含德弥厚福祿繁衍秋序向高更冀善輔粹和晉膺寵召以副紳綬之係

公伏審光奉宸綸陞華書殿公議育協共惟公官清節孤忠凜、為搢紳表頌居紀綱地危言動氣上動冕旒今茲擁蕃宣之寄政範休聲洋溢中外是宜有此優擢拘牽无由稱賀雀躍之情倍百稠品

伏承聖恩優異中間或傳抗章力辭未即拜命以故修慶後時罪涉稽怠无以自明尚恃公亮察其匪他尤以為幸

尺牘之問又不徹於麾席非敢偃蹇第以人微位卑數、坐通柔訥恐貽瀆尊之誚故援毫而輟者屢矣至於引領焚輝如渴念飲未能一償所願何當趨伏下風庶扣台誨之一二臨楮怡嚮

今歲境內雨暘應時嘉種繁殖有秋之慶夫復何疑春夏間雖粒估差昂而民不告病善良按堵茲固豈第宜民鎮撫有方所以千里蒙福日用而不知也然郡小地褊未足回旅行將入告嘉猷均惠海宇遲暮之人是夙夜以冀

上太守小簡

秋氣漸涼伏惟坐嘯黃堂天人叶相台候連止万福公仰棲巨庇未繇參覲伏乞上為宗祐倍保公重謹奉狀申候養寢

共審光雁帝命暫領專城伏惟下車以來神民胥悅百順駢臻公稍遠蒞麾未遂為趨稱賀伏冀公日慈特垂矜察

頃年在雲川嘗瞻望去日艱遠離屢易星霜溯仰奉人自後雲
鵬蓬鷄吉迹易遠且謂侍御暫辭白筆來擁彤襜而人乃辱
在部封之下其為欣幸倍越等倫

恭以其官才高德重為時偉人頃聞抗草力丐外補仰惟英風義
槩足以律貪革汙况朝家政欲澄源百執如侍御操履端方不畏
強禦自當峻陟中司使朝廷尊嚴願此遠服豈能久留佇聆迅
召以安輿論

上太守小簡

季夏酷熱伏惟辨嚴曲晷暇神相靖共口候動止万福人仰藉輝
潤行遂參拜下情无任傾溯謹奉啟上承雍食寢

候問因居謹宜務儀比辰不審人履復何如炎氣正隆敢乞節宣
時令謹護茵鼎倚湏不次之擢伏楮謹禱

伏審光雁月綸綺榮領郡符共惟惟慶人沉迷朱墨日不暇給不
果人時修貢賀幅罪涉簡慢愧負无以自容尚冀人台慈矜恕

仰惟人官才華夙著時望攸歸雖踐更膺仕而筆鏞大業未遂發
揮今茲遠服政恐未及一車而玉節促召凌厲要途此輿論所期
非末僚之私情也

伏自遠遠台範荐更年筮傾仰之素寔積拳拳薄官僻左書
問不復仰塵記府今乃辱在奔走之列望塵非遠預切欣抃

上太守小簡

賀正

僭仰慶礼謹如右番王春布暖即日台候何似共惟偃藩清豫神
明為相對時受福寢食寢具宜人苟祿小邦仰繫巨蔭正賒參侍
祇重詠思敢乞惠時倍齎冲理佇調鼎鼎庸副具瞻繼緒頌禱
言不尽意

引去麾戟屢更弦晦賤役鞅掌不克時扣台屏乃清瞻慕人金寐
以之何當密侍坐隅一聽驅策東鄉人消系神爽飛馳

人竊食江濱日比悒悒之賜惟是汗簡所以將屬吏歸賴之勤者
宜相望於記室也而職在奔走毋以沈尊自嫌坐此柔訥不敢數

浼台聽雖高明曲推情恕顧如簡率之迹何握管及茲無論愧恐
三陽交泰万宝棣通惟時哲人滋對殊祉椒筵密迹趨賀无階引
領台閣第勤善頌

某官宿德雅望簡在淵衷留連符竹未快輿論履端之始賢以
類升竊揆要除旦暮可冀霈沛然霖雨以福蒼生是士大夫之公
願非一人之私言也尚冀節宣慰茲傾禱

公不善製錦濼曠四閭宏量有容少寬謹屏謹修所未至无負
矜憐伏丐厚德享亮幸甚

蘭堂寶眷共惟均福新元壽筭人有千齡之祝也

上太守小簡

歲事更新共惟卧護名藩天人欽相台候動止万福公行即趨伏
祭戟以祈筮拜謹先具尺牘仰干記史之聽

月儀之敬虔列右楮迹辰霜色晴寒不審台履復何佶仰惟政成
訟簡千里生春自天隆康時万時億更祈上躰簡記增以鼎茵嗣

聽促還以慰天下膏澤之望

仰惟公官行美而識遠望博而用宏自早被於眷知即荐更於委
寄固宜入陪禁橐日殷誥誦思而乃歛大惠於一州殊未足以究所
蘊然上方循名責實是奉行神雀五鳳故事有如治最豈又於外
佇膺前賈之思即慶徵黃之寵此公議所在非下邑小吏趨事之
初輒薦容悅於門下也

公早從縉紳先生遊竊服公望非一日矣執絕雲泥无階一伸望
履之敬若瞻斗仰徒劇此心茲者天假其便得以屬吏仰被約束
其為欣幸豈勝名三石何當即遂進望光儀以快疇昔臨風仰德
心如川流

上太守小簡 賀正

王正謹始共惟坐鎮侯藩明神欽相台候動止万福公遐啓戟祭
无階望履謹具柔詢仰申記府之問

紀時祇詞虔列右記迹辰陽和布令才審台履何似仰惟擁幡南

國與物爲春茂對曰辰戩穀時乃更祈密稽天令養福壽生佇聽賜環以慰中外之望

公官雍容和緩而發之以義剛毅果斷而濟之以仁故見於爲政寬不失之弛而猛不至於暴使斯民善有所怙而惡有所懼千里之內熙熙然曰安於中和之化公之所以德此邦者蓋云窮矣今茲履端之始孰不相與鼓舞祈祝願天報以福而長爲吾民之庇然此特邦人之私也所以祈公者未大况節屆三陽在易爲泰蓋內健而外順當與不日促還進秉鈞軸使天下均被其賜則公施設可見矣有識所祈非敢爲佞

聖宋名賢五百家播芳大全文粹卷第五十一

聖宋名賢五百家播芳大全文粹卷第五十一

鼎置幅

通判

簽判

教官

諸司幹官

上通判小簡

王春正月即辰共惟行旆舒徐神扶斯文台候動止乃福某三沐三薰敬裁尺牘申玷典籤

寒暄申問已布左方不審迹辰台用何似仰惟坐觀物理與道偕行靈府虛明百嘉來舍春序向和更祈上律天時俯遵月令寶練粹和茂膺龍光某死任珍禱

伏審恭承帝命祭倅侯藩凡託悱懽舉增欣抃某忝以屬吏即遂道左迎謁謹先具柔訥敬申燕賀之誠伏惟煥察

共惟某官踐履醇懿追配古人學問洪深度越今世爲文非道不言橫放絕塵蓋其餘事上方登用賢俊石渠金馬首當問津展驥治中輿議拂然伏惟明詔擢除近在旦夕區區賀誠泚筆以俟某奔走執事盛名之下非一朝夕末學孤進无緣瞻拜光塵惟是

尊仰道誼拳拳於此不敢自弃茲承鼎臨大府贊貳邦條某
幸預屬吏之末承顏色奉教誨有日矣私心尉喜何可比量勿
匆布叙莫究万一

某學不聞道謬當邑寄纏困朱墨迄无善狀曠敗之虞旦日芒
負惟厚德君子尚教誨收憐之俾免于戾幸甚其甚其瞻望門
墻无任依恋之至

僭越申問台閔仙眷伏惟百福攸同下邑恐有使令拱聽要束

上通判小簡

仲秋謹時伏惟貳政雄藩閔決多暇天祐神相台候動止乃福某
瞻望台堦行遂趨承之幸下情預切欣抃謹具啓仰候起居

申候常儀已具右幅維時秋律寔清商飈向肅伏惟退聽餘間神
相盛德養漑粹和福嘏增固更祈益調茵鼎前需召節下情祝
頌但切拳拳

某晚進寒生佩服名德令譽之久而從一拜復約唯是景仰不勝
拳切茲者天幸遂以孤蹤得託庠底遵奉約束雖未能斂板堦
墀仰瞻光範而夙昔嚮慕之勤已渙然冰釋矣何慰如之

其官業懷康濟志在經綸粹然圭璧之姿允矣廊廟之具尚遲
大用暫貳雄藩行雁治最之褒亟被清華之選當據素縑彙集
殊勳僉論所期可拱而俟

其庸瑣常流叨塵仕板再調銓部獲司理曹猥以孱陋得事高明
之下幸可言耶尚須面奉規繩式遵軌轍庶逃康曠全以始終
魯情不勝至願

其不量踈繆輒裁小啟少叙獲託悒悒之幸鄙辭陋句冒瀆台
重得賜容貸不勝幸甚

上通判小簡

賀正

勾芒司令寒氣未闌共惟貳撫間暇明靈叶衛台候燕興乃福
其寒晚微蹤益叨蒙覆尚遙趨拜墀廡謹具手啓上瀨記曹

謹時修問之儀祇具彝禮未審近辰德履復何如欽惟佐政中

和聲華日邵休祥駢集宥有扶持春序肇開更祈惠時珍毓
前席密召

其官居子德鎮浮傑才拔萃暫勞別乘未厭輿評當茲耳泰之辰
佇聞進登朝著茂建勳庸誦詠之深實非私臆

人元紀候方彙浸榮共惟其官順迎嘉祉休慶弥新其以攝事
有拘阻瞻台席輒馳尺牘少代獻觴傾頌之勤言莫能既

去冬以微職趨稟幸獲詹侍台光深慰傾亦心之誠過荷眷誨尤
極銘感再遠儀矩又復幾月豈勝山仰之私賤事倥傯未獲修貢

尺牘便介之來先辱台翰益服謙厚之宏悚戴何已不敢別具謝
幅切覲如祭

其疎愚頑拙仰託德蔭竊食備負無補涓毫日懷愧惕更望憐
其賤貧垂加全庇俾絃道於愆尤實舉家之厚幸懇禱之情敢
祈同察

一通判小簡

承候興寢敬遵尋彝式敢叙前幅歲律崢嶸冰霜嚴厲不審台履
何但諒惟閑決雍容冲襟泰定尚願茵鼎精護益綏福復倚需迅
召以陟華近某下情豈勝祝頌之至

某仰服台望閱歲滋久自惟寒微无繇進干典謁以奉光儀拳二
瞻慕良役甲棕茲以天幸叨宰山澗獲隸部封以備指呼之役
趨覲伊迓預切忻榮

共惟其官碩德宏才蜚聲騰茂尚煩關決以屈遠圖公輔之量
不辭佩刀召節之來豈俟駕屏星而行耶即登禁途以彰朝著
得賢之盛公論所屬非其敢諛

與通判小簡

叙問大略如右即日秋暑共惟關決之餘尊候万福某蒙息方茲
承乏未由款門颯風不勝卷卷之懷謹勒衆候

幸同土壤寅緣孝御自是姻家薄官飄然未有侍坐聽言之幸
但劇跋仰暑氣未艾更冀調護茂對寵休以副區區之禱

其昨稿祠觀之祿竄伏湖山幾與世隔以故云從通一書之勤竭
來行在又復擾二竟先枉誨翰之辱禮數過當下情感載云以
為喻

其官學問根本蓋自家傳推其弃餘以貳邦政豈足以煩游刃
哉諒惟朝夕譽動冕旒必有晉擢以快輿望

其襄晚倦游久安閑放故冬牽強以來坐待汰斥而誤恩踵至
實出鄉黨平昔借助之素无緣占叙感激之私更勤慶問何
愧如之

上通判小簡

獻歲發春授時伊始伏惟貳政黃堂眉茲穀旦台候動止万福
某備員无補仰託雲霓下情无任感著謹奉啟候問夔寢
申賀之誠已布柔訥即展茂惟神介靖共戩穀繁集更新精護
茵鼎妙用冲和即前不次之擢

去歲通中伏奉台翰振於紙讀佩服慙下情感激无垠諸需
望復幕下自罄鄙悃茲不復縷陳

上簽判小簡

仲秋謹時伏惟贊治雄藩婉畫多暇天人交相台候動止万福
某區區將遂趨承之幸謹具啟詞候起居

仰聞盛德美譽之久南北差池未遑望履復約而聆緒論下情傾迺
日益拳拳維時商律向中蕭辰正肅不審眎履何如伏惟幕府
雍容百神擁祐福祿來宜且更乞益護襟靈節調茵鼎鼎曾棕願言
不勝虔扣

伏以某官謀猷宏遠識慮優長明哲保身忠嘉許國暫迂驥
足未筮駕行方今任賢使能顛俊為急佇聞簡拔亟踐清華綸
綍之頒可拱而俟

上教授小簡

仲夏之月恭惟行軒趣駕靈祇左右台候動止万福某謹拜手
上狀仰稟記史

候承之敬已列右番迹辰炎燠方中不審起居復何似仰惟德業有相畢來諸福更蘄順令谷神以竣峻召區區誠禱

講聞高誼歷年于茲芝宇未識其於馳仰則往來于懷也夫何幸會行遂依仁方欲修咫尺之間遠辱朋緘文辭璀璨褒譽過實

敬讀三復愧无德以當至意慰感倍之匆二具謝不謹併幾台亮共惟其官志大而氣剛才全而德備文章特其餘事學術自為名家榮中兩科一時歆艷便當展九万里垂天之翼曷煩小試於儒

宮上方夢想求賢清切之拜恐祇在口暮之間耳匪佞其愚下省事繆當邑寄支弊扶顛其技已窮餘光覆之幸逃厥

咎區二下懷願疾其驅非徒快雲霧之披庶幾奉教下風以求通其晦室儻蒙薰慈特賜與進万幸万幸

與教授小簡

即日初暑共惟戒嚴之暇神物擁祐台候動止万福 行有託庇之幸謹具啓仰酬來明之寵

不審即日台用如何伏惟炎暑戒塗不无少勞神用然葦葦可航之川朝發夕至更幾倍保崇重迎踐休祉不任願望

恭惟公官上庠第一流人學問文章與曷望其侔毗陵士子皆相慶以為得師然恐席未煖而召節已在門矣公何幸得親見之

前歲幸獲瞻拜儀矩一見傾蓋礼意勤渠至今感藏不云心今茲幸會遂得日親誨藥尉林之懷豈勝言哉併容面叙

輒有短啓仰荅來賜願辭鄙義拙不能發揚万一第深皇懼一讀置之乃幸

台閔仙眷共惟由中及外享福无窮

此間預有使令切望詳細下喻敢不尽心

與教授小簡

淨暑正熾伏惟趣裝良勞明神協相台候万福公行獲依承尚間伏覲加念鼎第以前召擢

自昨者一識芝宇距今許年雖間關契闊不相聞問然拳盛德

自不能忘今者獲聯王事將有朝夕承教之幸其爲尉喜何可比
量匆匆布叙未究乃一伏幾照亮

其官學識文彩藉二在人宜登臺閣羽儀鶴鷺屈臨泮水未
可輿情然俾毗陵士子得所矜式日資博約底于成就亦矜佩之
幸遇也會聞葆召即有亨踐區區系望

伏審光雁宸綍榮領泮宮伏惟懽慶未遑修致賀悃豈意薰
仁亟沐誨函副以長牋之况佩服謙撝言之不盡輒復以短啓叙
謝伏幸過目

與教授小簡

秋律已尽不審辦嚴曲且餘尊候何似伏惟神相令德坐擁繁祉
未由省對敢冀爲時加護夤食寢卑情勤頌

奔走英望之下久矣末路亡從衆際屬者津亭幸瞻履易乃聞
使舫端邁竟不果略叩緒言迨今遺恨鱣堂在自坐阻至前卑情
尤劇卷二

一昨睽間念欲附承起居而賤事无少隙方切坐愧竟蒙誨牘先
及不敏罪何所逃使介亟還馳報簡率併深震忤賜登幸甚

承啓途有日想惟齋舫已入郭矣遂有曳裾候館之期豈勝欣抃

與教授小簡

貢問已具別啓獻歲發春恭惟吉德對時茂有休祉其竊食奉
親尚阻稱壽敢冀爲斯文加厚茵鼎以頌簡技

間違言面浸歷許時前日因巡齋一到服膺緬懷疇昔從容之樂
祇自感歎到家而來使踵門抵以手書書辭華潤尉薦有拊溢
于累帛非獨風誼絕俗獲謔言襄懦而問學之富見於筆墨父子
兄弟捧酬至紙敝墨渝不能已已屬元日趨朝歸而人事紛二勉
作報狀未能如札雖然使更稽留亦何緣能尽話也望寬其罪

平時士友皆謂壽基直諒多聞宜在論思風化之職不然代言西
掖發揮德音尤所優爲今且老矣陪都表師多士士友豈得无罪
哉沈和仲日相見邵叔承不輟書皆能言動靜未即面承臨問愧

悵而已

兩辱惠書固荷高誼至於園緘疊幅若待賢且貴者最尔何以堪之從遊二十餘年乃不以字呼我未省所以得罪者皇二恐二去年秋初蒙恩兼職東宮日奉朝謁朝廷祭其隔城非便因許對移國南荒薄何有每二叨冒皆自朋舊疇昔之私阻遠未由展謝第劇慚荷

蒙分餉果實皆京師歲節所頒者時哉時哉山藥以餉老母尤佩至意值冗未有以為報有愧而已

上提幹小簡

朱明戒候一氣清和共惟賓幕容與神示拱扶台候動止乃福公謹奏記于下執事

遵月財絨已肅問幅不審近辰台用何似敬惟婉畫有相福祿駢集更斲揆序必畱天倪亟前不次之擢

伏承公官擇用剛辰已諧視象伏惟仙尉公官箴有守不克諸賀謹申柔訥布叙微誠伏冀矜察

公官詩禮家傳簪纓世續文章風采為當代第一流人久矣踐揚固當躡躋華貫公幕外臺雖云畫諾所資未究底蘊第恐席未及温即被召除區二州縣豈能久駐闊步耶不敢為佞

公辱同里閉服膺備望非一朝夕念修桑梓必恭之禮出處差池願竟莫獲茲幸賢德鼎來忝隸屬邑所恨公之去替不遠趨承之日為淺耳或能假事受約束於大府敬當走見以倒屣悵伏紙眷眷

其學子不聞道繆臨文邑云何去此迄无善狀且且凜然仰賴數篤鄉誼周旋覆露不以罪行則為賜大矣敢布腹心伏乞矜念

與諸司幹官

賀冬

裁賀多禮已具公式即日氣候凝寒伏惟贊畫優閒神人攸介尊候燕興万福公備員徧郡密賴庇輝尚稽瞻對謹布啓承候亞歲屆期陽施陰化伏惟君子履之茂膺純祉公拘守郡寄躬慶

未遑輒修緘封以見誠悃其為禱頌毫楮難殫

公官名德並邵器識兼宏宜在要塗以彰素蘊暫淹畫幕未快輿情佇聞乘此亨時恭躋華貫式副願言之切

公非才代匱日借獎提雖感懷高誼造次不忘而因循倥偬久缺記室之問謹因修慶以叙郵情敢蘄煥察

與幕官小簡

初暑共推蓮幕宴間尊候万福引望門墻未有參覲之幸不勝馳情謹上狀布執事

辭去忽見長夏離吏事倥偬而仰止盛德未嘗少忘即日為况如何公餘戲絲有足樂否暑氣浸可畏敢冀留意與寢以膺不次之除乃所願望

歲初伏奉誨翰爛然累紙佩荷不忘之眷豈勝下情念欲具報屈到官公冗迨今未能少休日復一日竟坐不敏高明有以寬照幸甚幸甚

桐川諸事如何高才淹留曹掾殊非所稱方急賢之朝旦夕定當雁薦用也

與檢法小簡

維時孟夏共惟使幕雍容神示介相台候動止万福公謹具柔訥仰溷記史

申候起居不敢不肅近辰不審台用何似仰惟冲襟粹德宜介禧祥更乞揆序慈審天倪亟前不次之召公忱請

伏審公官消用剛辰已諧視事共惟惟慶公忝與僚屬之末礼合候賀趣還下局坐是不果謹馳緘封以代面慶伏冀煥察

公慕用賢德歷年于此茲幸登敬尉浣尤劇別去光儀又復旬浹西向拳拳何可殫忘尺楮寸毫言不勝叙

公官德履純誠器度凝遠踐揚之久故宜平步夷途雅快人望入幕外臺雖云謙決所資未究底蘊居三何薦書上騰即被召除

區三州懸出足以淹禁躅也不敢為佞

庸繆曾下謫當邑寄歲糜月費亡補公家雖去替之期僅止半載若何為善後計茲幸仰依仁庇尚冀周旋覆露不以罪行則受門下之賜厚矣腹心是布頂踵知歸

縣官

上知縣小簡

交代

仲夏之月恭惟辦嚴容與神示攸相台候動止万福公謹啓仰溷典籤之史

詞問之札敢至再三近辰梅雨靈潤不審台用何似冲襟盛德密有扶持更勸上為朝家益厚持養遂登臺閣之華垂副忱請佩服譽望之隆積有歲年敬聞賢德屈臨邑寄於公辱在交承私喜幸自語繼自今詎惟識荆仕契伊此權輿屬以賤職受約束于大府適邂逅台表又獲爭先覩之快慶并之私不能自言尺楮寸毫莫究万一

某官圭璋稟質梁棟標奇學識文采今代第一流人久矣踐揚當在清近百里豈為大賢之路尚從此來輿議拂然會當即有中除鋒車迅召匪伊聞耳某何幸得親見之

某政拙催科迄無善狀昨幸為任兩基之制某於前歲八月十七日交割職事全無告假補填去何終更願言早賜叱馭非惟獲奉教約亟令去此無以罪行門下之賜厚矣區區敢冀於念

台閣仙聚共惟履茲中夏內外駢擁日新之祉

此間豈無委喻事件直下恐欲人使令併巧要束

與知縣小簡

仲秋謹序共惟永流宣化愷悌靖共天人攸相台候動止萬福某不晚將遂瞻際之幸謹先勒啟永候興寢

仰聞藉甚之譽望于縉紳之久願一拜英猷而參商未遂下情勤向鑒寐不忘邇辰秋律向中涼颺順序不審視履何以伏惟撫字賢勞神明擁祐純嘏日增更祈調護寢饋逢迎太和曾忭祝頌不勝虔懇

伏以某官襟量清夷器深宏博忠嘉貽厥世濟其美淹回百里未
究遠圖佇聞報政即奉綸音入聽華要以快輿言行將見之非敢
倂也

某連蹇孤蹤濫叨末第再注椽曹獲趨會府遂與賢明服聽王
事榮幸何多某赴官伊始承顏接綽指日可俟下情預切欣快

與知縣小簡

冬律凝慘伏惟胸轄餘暇神示呵護台候動止萬福某備負蒙免
皆庇之及豈不知感敬勒此以謝先施敢斷惠序珍毓天倪即前
峻乃

飲聞令望服膺有年莫謂願見永懷道德鑒寐良勤天與之幸
廼得以蔽政上累交承晤言之便僅止數月其為欣愜未易言喻
伏審簡自淵衷來撫民社師帥所臨旄倪胥抃何當趨就下風薄
叙慶尉瞻言千里徒荷不勝

竊自除日初下日欲為記室之賀屬僻左游客簡稀不獲承問
都騎所寓用是竚瀆亟為謙德所先雖高明無意苛禮然懈弛
之咎何以自逭也面謝猶稽伏增愧懼

某官以成均豪英蚤都美仕謂宜歷金門上玉堂為天朝之羽儀
久矣州縣徒勞未快輿誦一同之選政恐難抑才刃匪伊嚴召徑
踐清華區區蹄涔何足回翔也嚮風有素不敢輒倂

某來此適累政權攝而承以懦庸支弊扶顛幾不能勝幸連歲豐
稔公私粗饒行且脫去又得明君子為之掩惡已傷之錦完於敏
手此情欣賴未易量也

與知縣小簡

薄寒伏惟尊候連止萬福某承乏無補末期會面敢望以人自
愛以前召擢

使至伏承問字感慰并劇且審比日撫字心勞政事有暇尊俎文
字其樂無涯相望懸絕引領拳拳

寄示屬文三冊燦若珠玉磊磊盈紙賞歎不覺寒家之暴富也

珍感珍感

忝幸同年不自知其不肖輒以賢者才德治狀薦聞雖曰僭冒庶
籍知賢之義自以為榮耳

弟姪親戚寄治所僅明政能使之循理不擾縣道猶賢於恩德也
至祝至祝

罪戾之餘西來無補正合汰黜誤恩俄遷重有皇懼同年宜有以
補過而長戕作賀豈所且乎仰承高誼不勝反側

惡詩誤被之石以彰其謬慚皇慚皇戕紙分餉殊荷故人戀戀之
意某物聊奉篋笥可非為報也

聖宋名賢五百家播芳大全文粹卷五十一

聖宋名賢五百家播芳大全文粹卷第五十二

劄子 四六

賀左丞相書成轉官劄子

熊子復

伏審勅成鉅典褒進崇階增光慈禁之謨益重元台之望竊以
成周之盛祚蓋錫於万年大漢之隆統爰接於千歲欲紹開魏
蕩二之列當纂為灝二醜二之書恭惟某官曠代鍾才際空蘊
識燮和帝載乾坤已致於清夷粉澤皇猷河雒遂章於經緯公
聆寵渥阻列慶班意第極於欣愉辭曷殫於頌歎

賀右丞相書成轉官劄子

伏審勅成鉅典超進華資聖治益光宰廷增重竊以方策有文武
之政寔啓佑於後人春秋无游夏之辭皆折衷於夫子茲續累朝
之會要寔資一代之耆英共惟 某官毓粹自天研幾于聖稷契
自比已次相業之崇姚姒上規更翼聖謨之煥公述傳寵渥阻列
慶班猥陳拙訥之辭曷極欣愉之意

賀蔣丞相免起復劄子

伏審星傳繼催必圖共政露章疊懇姑免奪情雖光簡冊之書
甚鬱華夷之望共惟 某官壯猶奕世丕業亮天不得阜陶為舜
之憂方需同德罔俾阿衡專商之美更邁昔賢公夙荷洪鈞阻
趨崇仰依歸愈切頌嘆奚窮

賀丞相生日劄子

伏以傳說之用若霖雨方宏濟於邦圖吉甫之作如清風式顯揚
於相業共道生申之且猥陳頌魯之章共惟 某官緼藉真儒規
摹良弼識洞三才之奧謀周萬務之幾蓋天為生賢首贊重熙之
運而陽常居夏載臨初度之辰瑞色齊於泰階歡声徧於寰
宇人若存兮去之五百歲聖賢已契於心傳王曰公其以予億
年君相共綏於眉壽

謝洪相寄先正忠宣公集劄子

伏以新緘特貺先集併貽披五采郇公之雲擁萬丈杜陵之色三
復而誦十襲以藏共惟 某官間世傑才爽邦卓識悼賢父蚤持
於使節忠本朝之厄於虜庭周大夫過故都而彷徨管激黍離之
作漢大史次舊聞而流涕迺參石室之傳某茲捧成編猶獲至寶
在則有神物而護既歆夢得之詩光則與日月而爭尤慕屈原之
賦

被召謝丞相劄子

猥領將輸蔑著消塵之效誤膺收召悉繇陶冶之私即奔命於道
塗預貢誠於竿牘伏念公觀風七聚閱歲再其非才既賴於旃幪
苟祿遂逃於沙汰自陳滿秩安祈嚴廟之憐豈意異恩遽被鋒
車之趣危衷倍激大造安酬此蓋伏遇 某官一代真儒兩朝元
老獨兼三公之事方懋經綸下遂万物之宜咸資塊坳有如踈迹
未忍棄捐均泰階之六符即容趨進播洪鈞之一氣尚冀曲成

賀漕使被召劄子

伏審鋒車外趣黼宸前送呈盃方佇於對揚豈尚容於控避恭惟歡

慶某受知特厚贊喜喜尤深側聽除音繼馳賀牘

賀漕使新命并子及第劄子

伏審疏寵宸廷將輸鄉部措紳聳動原隰增光共惟 某官典刑老成禮樂先進莅官五紀凜不変於寒松劄子一經荐高攀於月桂夙垂睿想特畀漕權公晚出鄉邦猥居臺幕望塵修敬即迎大使之車灑翰投誠預貢小夫之牘

賀人召試入館

伏審射策北門衆驚高妙校文東觀初躡清華瑰望日隆輿情風靡伏惟歡慶公受知最厚贊喜殊深頌歎徒勤拙訥難及

賀人召試入館

伏審射策北門紬書東觀天將大任道可前知恭惟 某官縉藉淳深規摹闕遠鳳千仞而翔下馬方古而洗空摘宋艷薰班香兼收於衆作短劉墻劇賈壘連中於兩科蔚有令名播於昭代果自容臺之列音同冊府之遊集賢如堵墻鄉共驚於摘藻翰林過華蓋行獨妙於演綸夫豈私期是爲公望某愚雖自守老亦何堪引方丈之舡已回於渤海登天台之陸庶望於蓬萊

疊幅劄子

與安撫劄子

伏以冬序凝寒共惟某官鎮撫豐暇神明協相台候動止萬福某遠託恩庇未繇參覲伏冀爲國自重

某遠去旌幢于茲累年下情傾仰无物以喻一行作吏救過不暇追數初心每用慨嘆何當躬詣帳下不布此懷臨書重增悵望某昔歲病卧山中伏聞登壇受鉞之寵扶掖占辭因一叟兵爲慶迄今不返其浮沉殆不可保比遣使臣護細至鄂渚再上記頌詳悉伏計已塵台几感念恩義有不能忘者不在書疏之疎密亦尚幸孚照

其偶必宣威之徽分校特奏名進士于成都用四十日始得歸中途下拜因求康所賜台翰跪坐以讀恩意慈祥寒屋爲暖薄莫

就道傍僧舍取火作記未謝万益深感愧之至

某資中方報代已蒙朝廷記錄陛下沈黎之命顧何以得此不敢忘所自也重增感愧然某衰病益侵行挂衣冠神武門下與草木同腐矣平生相知如公无幾輒布苦懷臨書悽斷
台眷上下均慶東蜀有役願受令

與安撫劄子

伏以春序漸暄恭惟某官坐鎮曲豈暇神明協相台候万福某遠託恩庇未由參觀伏覩爲國以道自重

不審寢興比復何如均逸名藩上所卷佇朝夕不忘行膺褒詔榮歸禁林尚祈珍畱以副大夫士之望幸甚

某已遣孳累歸某舍止留一影東裝待成公私紛冗不暇亦聞吾丈目疾未平不敢以牋記塵觀覽區區懷仰與日增劇无從一詣帳下臨書但有馳向

某不肖獲待罪士鄉踰年惡則有之善不聞也行以理去仰佩保全窮塗晚節之恩大不可言輒具啓伸謝伏幸台照

上安撫丞相劄子

伏以時維季夏熾以景炎共惟某官鎮撫春容黃堂靖謚神示左右鈞候動止万福某三沐三薰謹裁系訪仰干典籤伏乞鈞察某謹時申候已具甲牘拜手敬詞邇日鈞用之詳仰惟浩然之氣上際下蟠靈府虛明百嘉來全庚暑正隆敢乞居法天運增茲寢羞仰符九重眷注之隆俯徇四海具瞻之望

某官以宗工鉅儒經綸素業贊襄黼屨勤勞王家弼成至治宸眷益隆暫茲均逸俟藩化行俗美列城如在和氣中元元扣首抑何幸欤第恐紫詔從歸朝夕左右以康濟天下非一邦獨私大惠蒼生實延頸以俟

某疎迹庸微適在下僚仰視天府潭々何啻雲壤昨者不自量分僭貢筆牘玷逸輿隸之聽逮茲復拜緘封盖以懷感德誼殫布悃幅不敢自後冒犯之愆仰覩原貸

上安撫樞密劄子

伏以孟秋謹月敬惟公官優藩優暇列城晏肅蓋載薦為休鈞候
動止万福公備真支邑仰承蔭越尚稽瞻拜履約謹具奏訥申塵
記府伏乞鈞察

申候茵鼎之儀恪布左方邇日不審鈞用何似諒惟玉節光華號
令整暇神之聽之福祉駢集更斲必調視履宜節兩賜仰符當
宁倚注之隆俯徇四海具瞻之切

某官負間世之才茂經邦之略望隆王佐名冠時髦用能賦政樞
庭納忠文陛暫辟清禁卧鎮全閩雖摠列郡而承教條恐惠一方
而遺天下佇膺召節入拜制麻式符虛左之求永播處中之善惠
非諛貢允屬師言

逖遠鈞儀存更晦朔雖依歸慕仰之心靡日不在屏思而恪遵教
戒勉守微職恨无可假以造府庭惟幸日竊二天之覆首追曠原
欽戴抃荷實無異親侍焚席也毫楮縷々莫罄卑宗

上總領劄子

伏以露往霜來共惟公官坐總賦輿四道蒙惠神明所相台候動
止万福公奉記候諸侍吏

迹日不審台用何似天地已肅道路无復埃氛按節徐行當无甚
勞况君子射備四時之和豈畏偃薄也其如養性怡神亦不可忽
不勝拳二之請

節下周旋於行都英俊之林久矣今之登席堂者皆其等夷豈容
一時名流尚在外服想皆懷想高標日佇還朝也

當今九德之朝正須通儒博洽者居之豈謂兩煩持節以臨輓輸
煩劇之地議者比日不滿也殆是未知通儒无適不可耳国朝大用
者試之必詳公其自此期期要路也它日要獲知公名言

平日企德懷風常恨集處不諧今幸同部而又不可時至弭節之
臺固已恨二自聞書景自富寓益言相望弥遠豈勝悵然尚異音介
時來慰履後之竟此馳心

天下朝夕之望

某官踐履醇粹度越當今文字間洪深追配前古坐于廟朝致君澤民蓋將不動声色外甚羣祥刑之寄雖曰全閩涵泳仁惠恐重一方而遺天下簡注已久佇聆環召鼎來入拜制麻垂副公論疏遠无似拜邀台光荐更晦朔日竊洪陰四守微職瞻望天府邈在雲漢自顧分守有等不敢頻貢柔函上洩威重惟依歸仰慕之心無日少替伏惟薰慈曲垂照卹

某屬邑下吏猥有驅策峻行約束貶損道德謙墜台翰非所宜蒙拜賜之寵感怍不容于心區區毫楮莫究謝臆

上太守劄子

馮當可

某蹭蹬之跡竄伏田畝殆二十年而得竊食蓬山驅馳之官未及弛擔已被黜逐自是益知賦分寒薄拉戾入深山與田夫野人雜處以待老死迹者又蒙諸公憐念俾承乏邊壘恩德甚大然某幽棲之志已成伏臘之計已足諸公憐恤之恩反爲山林曠寂之之擾矣到官便丐祠祿計不出初秋必遂解紱以去未即啓奉實勤向仰惟幾爲時調節茵鼎以係四海顛之望

仰惟台座從容禁近忠言嘉謨所以裨益宗社大計无愧前哲凡所論奏措紳傳誦公雖在山林頗聞一二竊爲喜重賀矣蜀西南奧壤人材生於其間藪二見於竹帛者世不乏人而台座仁義積著田於中猷爲著見於外以是進退誠可以繼前人之雅踐爲後季之賢規此公所以欣躍而贊誦者也伏承消壹褰帷已諧開府伏審即日爲况无不佳勝台座以隆重之望侍從之貴俯臨鄉郡想見一笑一嚔无非豈弟之澤未召還間或上章丐閑優游林野以湏旌車之召以全出處之節在台座可謂綽有餘地矣公豈勝歎慕之情

某往者備負万州南浦縣令台座還自東南天与厚幸邂逅獲識英表自此負緣雅辱眷照殆二十年矣杜門窮居人事廢絕所以声聞姓名不至記史已深愧負至於台座入踐華貴声光輝赫

某猶不敢以尺牘溷浼者實以台座知識布滿海內蜀之朋從親舊比比皆是孰不仰下風而望圭餘澤者乎一意田畝无所希求不敢復自贊其困窮與諸人雜陳於聽覽見重為煩溷仰推高明必能深賜射照

上王帥劄子

馮當可

某竄伏草茅於台座初无一日之雅猥以虛疎過蒙知遇茲者千里趨瞻若无一言備芻蕘之詢殆非門下所以深知之意么切見台座決遣兵民之務明敏如神初不妨間燕无廢嘯歌惟盛德謙尊凡應接賓客待遇僚吏過為委曲優厚由是政事之際略无閑闕清暇之際夫用約則心靜心靜則神生然後慮遠而見微且全蜀大計甲兵財用雖非全寄於台座而保固根本弥縫間隙使主財用者有所賦取主甲兵者有所仰給如主饒客如母乳子則所係在台座者亦既甚重而其間事機有藏於冥者非但耳目之所常接朝夕之所常行者便為保留之樞要也惟備常禮以隆安際使禮簡而情親委細務以屬賓僚使射大而綱卒然後以靜制動而常靜以安圖危而常安易之條辭有曰精義入神以致用古之聖賢立事建功悉本諸此伏惟少賜留神幸甚

上太師詩文劄子

某具申稟日恭想已徹鈞几華年災厄瀕於死所遇病悸少定向能用意翰墨事與其藉手以見古人之豈如獻之師席亦足以知名人雖廢而志不敢廢庶幾无負平生教載獎與之恩有詩文各一通謹致帳下么干冒鈞嚴无任震懼之至

上大觀文詩文劄子

某先申稟日伏想已開記室之下么病悸呻吟中獨未廢必硯輒以詩文一通塵汗鈞几大政之暇一賜瞻見觀尚以為可教則么不但用以藉手見古人矣无任愧懼依歸之誠

畫一稟目

上都運送目

劉夷叔

一秋氣澄清不審公官即日台候何似

一某仰惟恩府恭儉之資清和之氣神明所加為福星照臨分野戩穀之相不待禱祠而來矣

一某遠去左右倏經九夏雖山河脩阻而眷戀門墻之篤夢寐以之

一頃者恩府初度之月公常申祝延之意發為歌頌馳介以贄其惟謙抑過自貶損不見收納區區无能自通情之殞越无以為諭

一某羈窮流離之迹固嘗陳於執事者之聽不待申說而見近者劉椽之歸首言先生所以要慰調護之意甚悉先生於人舊而日深士是以附公嘗論之士大夫間以為寬鄙敦薄端在乎此今誠不敢私自為幸請為門下之士賀之

一僭易有說南平之次正有二年一日罷此如魚脫網是時必將赴許門下仰干調護然而重見煩瀆又須少勞神觀誠蒙門下

始終憂恤願令見安於此稍近闕赴官之日其為恩紀當有可報糜捐以之

一仰惟盛德方興閨門長幼宜均備福

一區區敢乞驅策一二以見報效之意

一公未參侍間仰乞為國為民善自保重以須大用